

明英宗實錄

卷二二〇至二五八
景泰三年九月至六年九月

明英宗睿皇帝實錄卷之二百二十

廢帝郕庶王附錄第三十八

景泰三年九月庚寅朔 太上皇帝居南宮○陞兵部尚書王偉為本部右侍郎從少保于謙等所舉也○調金吾左衛帶俸都指揮同知耿全於廣東都司○調四川官軍一千人往松潘協助守備以提督兵備刑部侍郎羅綺等奏董卜韓胡土官克羅俄監繫招集苗匪陰懷異圖故嚴為之備也○免直隸淮安府所屬州縣無徵夏麥九萬七千四百九十餘石以其被水災也○太子少師兼吏部左侍郎翰林院學士江淵丁母憂請歸守制命馳驛奔喪淵言臣幼多疾母鞠育劬勞倍於他子臣父早世賴母教誨底於成立而臣限於官守疾不得侍湯藥沒不得躬飯舍是以祈哀請命欲得終制今蒙勅旨但令奔喪此國

聖明垂眷不鄙非才而重加器使之至意顧惟菲薄何敢有違
伏惟 皇上以孝理天下天下臣民無不遂其養生送死之情
況今太平之時難同倉卒之際而臣備員近侍兼職論思安可
怙恩忘孝以玷清班用是冒死上陳伏乞矜察詔曰孝者人之
大本然國家正用人卿奔喪軍即未理事以副朕委託之意○
辛卯南京錦衣衛鎮撫司軍匠餘丁華敏言臣竊見近年以來
內官秉璫虐受喜寧王振等專權誤國俱已敗露此天下所共
見也伏望 皇上監前車之覆防微杜漸親賢遠佞總攬權綱
以為子孫萬世之法不然恐禍稔蕭牆發生惟懼曾節侯覽之
害復生於今日矣臣切恨今之在朝文武臣僚懷祿罔寵保全
身家緘默不言臣草茅賦性偶有所見不勝痛哭流涕何惜一
朝之命不安萬衆之國哉謹以內官苦害軍民十事上聞伏乞

○ 聖裁臣切見內官收積家財金銀珠玉動以萬計此從何
而來非盜府庫之錢糧則剗生民之膏血其害一也內官專權
倚勢侵占公侯房屋興工造作役軍勞民其害二也內官家人
義另外親盡是無藉之徒肥馬輕裘縱橫豪悍任意為非甚至
納粟補官貴賤不分其害三也蓋造佛寺費用無算以一己之
私破萬家之產其害四也廣置田莊不納糧芻寄戶府縣不當
差徭彼則田連阡陌民則無立錫之地其害五也家人中盜產
占盜數轉賣與人先得勘合倍支鉅萬壞國家之權法奪客商
之利息其害六也奏求塌房邀接客旅倚勢除賣皆賴不還商
人受害莫數雖何其害七也賣放匠人名為伴當辦納月錢內
府監局之人造作工役煩重捶楚不堪其害八也家人包攬各
色物件官府畏懼以一科十虧官損民其害九也內官監工非

法酷刑軍民塗炭不勝嗟怨其害十也事下禮部皆寢不行○
江西泰和縣民奏本縣原有信豐陂近年被水衝決不能灌田
以致厚種薄收道員征稅乞勅有司修築從之○勅諭太子太
保兼都察院左都御史王文近聞南京地震江淮以北直至濟
寧水漲淹沒房屋禾稼遠近之食糗止無所或至流移及東昌
府接連河南地方徃因黃河奔潰北流散漫衝決漕河隄岸阻
滯官民運輸雖常遣人修濬尚未有經久計此皆朕所晝夜在
心不遑安於寢食者也朕以爾為憲臣之長素有幹濟之才特
命往理其事凡所至處苟有可以安輯國家拯濟生民通順河
道一切興利除害之事悉聽爾廣詢訪便宜而行有應奏請及
與山東河南巡撫方面府州縣及公差官員同計議從長處置者
並聽議行務在傳宣舉之有益行之無弊凡前數事為之果有

成效爾即具奏還京爾其敘承朕命毋怠毋忽仍命文以太牢
致祭于朝宗順正惠通靈顯廣濟河伯之神曰朕為民牧神為
河伯皆上天所命令河水為患民不聊生伊誰之責爾朕不德
所致神亦豈能獨辦必使河循故道民以為利而不以為患然
後各得其所而俯無所愧事俟歲通以慰懇切○賜真臘國使
臣耶答洪文榮等宴及綵幣表裏等物比回仍令齎綵幣歸賜
其國王并妃○命陝西涼州協副都指揮僉事趙英往備永昌
衛甘州操備番都指揮僉事張熊往備山丹衛○總督遣備參
贊軍務石僉都御史李東吉今戶部於葛峪等七堡召商中鹽
上納糧料七萬七千石緣各堡倉廩不多亦不甚缺糧料今欲
止令上納一萬九千石其餘五萬八千石俱改宜府獨石馬營
等倉上納戶部奏宜府倉糧料亦足用惟獨石馬營二堡宜改

前項中鹽糧料俱如今年八月十七日原擬則例召商赴彼上納從之。癸巳兵部奏福建漳州府賊首鄭孔目等通番為寇敵殺官軍虜去著都指揮僉事王雄乞活提督海道右叅政陳斌都指揮趙鋼陳信等罪詔且皆不問遣巡按御史取其罪狀令用心捕賊不獲不宥。甲午夜有流星大如雞彈色青白出四輔西北行至紫微東藩。乙未陞工部都水司主事徐政為本司郎中以九年考滿也。廣西副總兵都督武毅等奏祀總領哨指揮高名等領軍於柳州府地方殺獲賊首輩多素等首四十六級奪回被虜男婦一百四十九口。勅直隸山西山東福建廣西江西遼東巡撫官右都御史王通等曰近者各府州縣多奏水旱爾等會同各處御史三司分投踏勘如果是實即將未徵糧草停免人民缺食者量丁口支給官糧有出粟賑濟

者就彼給冠帶以榮終身有虛報災傷者仍舊徵納仍具官糧數目冠帶姓名奏報○丙申湖廣施州衛忠路安撫司張杞等峒舍人向張杞等高羅安撫司舍人紀事譚文俊等來朝貢馬賜鈔錠有差○命阿資河衛指揮僉事都兒禿子卜里吉納襲職并吉河衛指揮僉事都里克等俱於遼東海州衛支半俸以其先因達賊殺潰至是來歸也○給隨侍東宮官軍馬一千匹○命國子監生清區滿者同清軍監生例出身從工部奏請也○兵部奏河南山東近因水災百姓艱窘其被傷州縣應追馬匹請以十分為率先追四分其餘候來年麥熟追償幼軍將軍校尉力士俱候來年秋成僉還驛遞馬驢車船有司欽給馬匹損缺者俱宜停緩戶禮工三部在外採辦造作事作亦宜寬恤詔從所言其採辦造作等事令各部斟酌緩急而行 會昌伯

孫忠辛忠字主敬山東鄒平縣人 上聖皇太后父也初名悉
宣宗皇帝初改今名生而穎敏風骨秀異長老咸奇之謂必大
孫氏幼嘗病咽喉父甚憂之夜夢神人告曰上帝以汝有陰陽
命醫汝兒既覺聞忠口果有藥者遂愈長由鄉校升太學洪武
末擢山西介休主簿處心甚恕用法則嚴吏民翕然從化尋改
河南之永城永城民益愛戴之嘗率所部民赴工 天壽山事
輒先集尋遷鴻臚寺序班 宣宗皇帝即位陞驃騎將軍中軍
都督僉事賜錦綉襲衣犀帶宴宣武門進封推誠宣忠靖運武
臣特進榮祿大夫柱國會昌伯食祿千石賜誥券進封三代賜
告歸省 御製詩親灑宸翰賜之且命中官輔行比還又親幸
其第 皇后亦繼至光榮寵賚近代罕比尋以所居狹隘欲令
有司新之忠懇辭乃止給賜漢府護衛韋指揮女忠備極嫁之

成山侯王通奪爵無以自贖忠以己所受賜田數十頃與之
元萬念其鄉友故舊高紳老而鰥生事謫戍周恤不倦及卒具
棺殮葬之劉社聚職而死喪不能舉既助葬復恤其家郭聰受
誣謫戍力為伸雪而薦用之張英以事左遷嶺表貧不能行贖
以白金王輝坐受械而貧之無以償官如其數償之此類甚多
以故人皆稱其長厚至是以疾卒年八十有五計閭閻報朝一日
賜賻白金三百兩到三萬婚遣官答葬追封會昌侯謚靖康天
順元年追封安國公更謚恭憲勅儒臣為撰神道碑忠性敦厚
謙和雖居戚里爵高之尊未嘗驕傲嘗戒子孫曰古人云成立
之難如升天覆墜之易如燎毛爾曹當終身誦之子五人繼宗
襲伯爵紹宗顯宗俱都指揮同知續宗都指揮僉事純宗錦衣
指揮僉事孫十人僕錦衣衛千戶○庫事府庫事習嘉言卒嘉

言名經以字行江西新喻縣人以進士為翰林庶吉士擢翰林
編修秩滿陞修撰與修宣宗實錄陞侍讀用為陞太常少卿
嘗建言六事皆切時病多見米納景泰壬申陞詹事五閱月而
卒遣官諭祭安葬嘉言溫厚謙和居官勤慎詩文雅淡為時所
尚○丁酉勅中都留守司并鳳陽府曰今命奉御朱翟前來與
太監雷春同奉侍皇陵嘉牧掌安置庶人微燬處門禁鎖鑰
往來提督官軍關防守護庶人既有米糧柴薪其厨料百姓艱
難不必與若有死亡令於城外空閒處所從便埋葬燒化特諭
爾等知悉○命禮部右侍郎兼詹事府少詹事陸瑄掌詹事府
事○陝西等道監察御史劉琚等言臣聞書曰先王克謹天戒
臣人克有常憲蓋言自古未嘗無災異惟在君臣修德以弭之
也近聞河南山東河道改決洪水泛漲淪沒田禾損壞廬舍流

離之衆轉徙無常而所在官司之糧賑濟又聞南京地震雷擊
獸吻凡此災異實為非常蓋天心仁愛國家故以示警戒也
陛下誠能與群臣修德以弭之則不能為患矣業者南京等處
災異迭見臣等已嘗具題伏蒙嘉納且令羣臣修省臣輔而今
災異又復迭見豈非為臣子者徒有修省之名而無修省之實
臣等切謂文武羣臣賢良者固有污濁者尤多德行不加而至
師得才能未著而支兩俸夫名爵過濫固為不可俸祿重支尤
為侈用蓋侈用則傷財傷財必至於民害近者戶部奏稱今年
京師支用會計未銀動以十萬府庫將空欲將被災田地覆勘
追徵與其剝削疲民之財孰若減省重支之俸况大學士陳循
等比言欲將二京所屬及各堂上官考察去留吏部覆奏已經
一月未見舉行宣大小羣臣悉皆賢良無可去之人歟若果能

賢良何以災異之多有如此乎且災異不見乎他所而獨見於南京山東河南鳳陽等處此必彼處鎮守三司等官俱不得人政令不平以至於此若不深加德治何以上召天和伏望

陛下監視天災勉修人事特令大小文武官員重加修省毋事虛文中間兩俸俱支者俸革一俸官員未考者即便舉行及勅太子太保兼左都御史王惲將河南山東鳳陽等處司府州縣官員貪暴不才者械送京明正其罪仍詢察南京文武大臣及河南等處鎮守巡撫等官不勝任者奏請黜罷如此庶幾天意可回災患可弭人心自然安寧 宗社自然鞏固詔曰上天垂戒皆朕不德所致羣臣亦當修省其闕兩俸者暫停一俸俟整頓時仍舊各處鎮守等官王惲不必去考惟南北兩京各屬官從公考察以聞○道政使司右通政湯鼎卒○夜有流星

大如杯色青白有光出大陵南行至天圉。戊戌重陽節賜文武百官宴。遼東總兵官都督曹義奏八月十日夜達賊於開原鑿牆入境殺死軍丁三人虜去軍婦三人守備左叅將胡源次日方出追襲雖斬獲賊首十有八級奪回人畜終係失機請治其罪命寇深取源罪狀仍舊備邊再誤事不宥。命提督軍務右僉都御史鄒來學督修密雲等處城堡墩臺。中都留守司都指揮同知鄭時坐縱所部賣放軍士贖杖還職。已亥賜桑甘地而宣慰使婢吉剌已銀印從灌頂國師贊善王班丹聖劉請也。靖江王府奏故奉國將軍佐順祿米伍支所遺幼男家養度日艱難詔給賜祿米四百石。湖廣都指揮僉事胡海坐枉法受財絞會赦當復職海以苗稅未恩請捐已貲運常德府倉儲百石於貴州以酬恩意從之。給荊州永平山海等處

官軍馬一十匹。庚子陞禮科都給事中李春為光祿寺少卿
通政司右叅議馮賈為本司左叅議工科都給事中張文質為
右叅議權進士鄭宏陶復李堅秦絃鄧明陳敬周珣趙瑛岳璿
要濟為監察御史俱以理刑半年考稱也。○遼東軍人徐勝自
虜中脫回言景泰二年十二月二十八日虜酋也先執其主脫
脫不花王執其妻子以其人馬給賞諸部屬。○辛丑歸山東登
州衛風漂海運布鈔糧米。○鎮守浙江尚書孫原貞奏都指揮
使姜恭索海門衛新軍賂諸罪命逮問之。○壬寅福餘衛指揮
安出男可台達頭目脫火歡泰寧衛指揮革子帖木兒等遣指
指台榜哈等束朝貢馬賜宴及綵幣表裏絹鈔有差。○命故羽
林前衛指揮僉事楊昂子觀襲職。○命守備永寧都指揮同知
周全為署都指揮使掌萬全都司事調管屯都指揮同知姚貴

守備永寧保定把總都指揮同知石端守備廣昌退回守備萬
全等處都指揮陳智曹玉於宣府金能於五軍營隨操聽調從
巡按御史張瑩言全等廉能而智等貪懦也○刑部郎中陸瑜
先奉命往會同巡撫江西僉都御史韓雍覆陳循所奏縣人爭
奪墳地諸事瑜至江西雍化出談以捕盜賑饑不來會瑜遂自
同三司官往泰和縣覆之至是還言縣人自首妄爭循地遇赦
已改正并覆循所訴御史王康及縣人毆死守墓者俱妄云○
國子監助教劉翔言臣伏觀 皇上崇儒重道重修學廟嘗乞
追尊孔子為帝增樂舞為八佾及言春秋致祭所設樂舞混於
露臺乞令改正至今未見舉行事下禮部詳議尚書胡濙等言
孔子生於周周未嘗稱帝孔子為陪臣其可加以帝號必不受
非禮之稱至若八佾舞於庭孔子已譏其非禮其可又施於今